



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### აინშტაინი

აინშტაინი (Einstein) ალბერტ (14. III. 1879, ქ. ულმი, გერმანია, - 18. IV. 1955, ქ. პრინცესტონი, აშშ), გერმანელი ფიზიკოსი, თანამედროვე ფიზიკის ერთ-ერთი ფუძემდებელი; დიდი პუმანისტი და პაციფისტი.

დაამთავრა ციურიხის პოლიტექნიკუმი (1900). 1909 - 11 იყო ციურიხის უნ-ტის პროფესორი, ხოლო 1911 - 12 - პრაღის გერმ. უნ-ტის თეორ. ფიზ. კათედრის გამგე. 1913 ა. აირჩიეს პრუსიის მეცნ. აკად. წევრად. 1914-33 იყო ბერლინის უნ-ტის პროფესორი და ფიზ. ინ-ტის დირექტორი. გერმანიაში ფაშისტური რეჟიმის დამყარების შემდეგ (1933) ა-მა პროტესტის ნიშნად უარი განაცხადა პრუსიის აკად. წევრობაზე და აშშ-ში გადასახლდა. აქ იგი მიიწვიეს პრინცესტონის ფუნდამენტურ გამოკვლევათა ინ-ტში, სადაც გარდაცვალებამდე მუშაობდა. ა-ის მიერ ჩამოაყალიბა ფარდობითობის კერძო (1905) და ზოგადი (1915) თეორიები. ამ თეორიებმა არსებითად შეცვალა ჩვენი წარმოდგენები სივრცესა და დროზე და დიდი გავლენა მოახდინა მეცნიერთა მსოფლმხედველობაზე. 1905 დაადგინა ფოტოეფუქტის კანონები (ნობელის პრემია, 1921), თეორიულად აღწერა ბროუნის მოძრაობა, დაადგინა მასისა და ენერგიის ექვივალენტობის კანონი. 1907 შეიმუშავა სითბოტევადობის კვანტური თეორია. 1912 აღმოაჩინა ფოტოქიმ. ძირითადი კანონი (ა-ის კანონი), 1924 - 25 შექმნა კვანტური სტატისტიკის ერთ-ერთი ფორმა (ბოზე-აინშტაინის სტატისტიკა) და სხვ. 1933 -იდან მუშაობდა კოსმოლოგიისა და ველის ერთიანი თეორიის პრობლემებზე. იყო მრავალი მეცნ. აკად. და სამეცნ. საზ-ბის წევრი. საქართველოში ა-ის შემოქმედებისადმი ინტერესი ყოველთვის დიდი იყო. ჭერ კიდევ 1924 საზოგადოების თხოვნით ა. რაზმაძემ დაწერა სამეცნ.-პოპულ. ნაშრომი „რელატივიზმის მოძღვრება აინშტაინისა“. იმავე წელს გამოქვეყნდა მ. გოგიბერიძის ნაშრომი „აინშტაინის რელატივიზმის თეორია და მისი ფილოსოფიური საფუძლები“. XX ს-ის 30-იან წლებში ფარდობითობის თეორიას მიეძღვნა აგრეთვე ნ. მუსხელიშვილისა და ვ. კუპრაძის

წერილები. 1964 თსუ-ის ბოგად ფიზ. კათედრასთან მ. მირიანაშვილმა დააარსა ფარდობითობის ბოგადი თეორიის კვლევითი ჯგუფი. აღსანიშნავია, რომ რ. ხუციშვილი ბერლინის უნ-ტექ სწავლისას ისმენდა ა-ის ლექციებს და მის ჩათვლის წიგნაკში ა-ის ავტოგრაფიც არის.

თხ8.: Собрание научных трудов, т. 1 – 4, М., 1965 – 67.

ლიტ.: ა ვ ა ლ ი ა ნ ი ს., აინშტაინი, თბ., 1983; მ ი რ ი ა ნ ა შ ვ ი ლ ი მ., ა ვ ა ლ ი ა ნ ი ს., ალბერტ აინშტაინი, თბ., 1972; პ ა რ კ ა ძ ე ვ ., ალბერტ აინშტაინი (დაბადების მე-100 წლისთავი), თბ., 1979.

---